



UNIVERSITÄTS-
BIBLIOTHEK
PADERBORN

Summæ Theologicæ Scholasticæ Et Moralis

In Quatuor Partes Distributæ

In qua de Incarnatione Verbi & Mysteriis vitæ Christi, nec non de
Sacramentis in genere & singulis in specie succinctè & dilucidè tractatur

Herincx, Wilhelm

Antverpiae, 1675

Qu. II. De Gratia & Virtutibus Christi.

[urn:nbn:de:hbz:466:1-72963](#)

Si actus de ea non cogitet. Quemadmodum nec dicitur Christus ignorare aliqua possibilia, nisi actu non omnia simul cognoscat, prout etiam Thomistae fatentur.

11. *Scientia Christi alia est in Verbo, alia in proprio genere, infusa ipsi Christo.*

Nec rursus vel est infusa per se, vel infusa per accidens,

Duplex porrò est scientia Christi. Prima beata, quā videt Verbum, & in Verbo creaturas. Secunda est cognitio in proprio genere, quam Doctores communiter docent etiam fuisse in Christo, utpote dignitati illius competentem, ac etiam beatis Angelis & hominibus convenientem. Hanc vero Christus non debuit labore & industria conquirere, sed in ordine ad illam fuit ei ab initio conceptionis infusa à Deo scientia. Quam Theologi distinguunt in infusionam per se & infusionam per accidens. Per priorem cognovit Christus in proprio genere res illas, quae naturaliter non possunt cognosci, aut certe non tali modo & perfectione. Post posteriorem cognovit ceteras res, quarum cognitio etiam perfecta naturaliter acquireni posset. Cujusmodi scientia fuit etiam infusa Salomonis & Adamo circa res naturales. Quāvis harum quoque cognitionem ad scientiam per se infusam minus probabiliter reducat Suarez, Vasquez & alii. In quorum Sententia facile posset quælibet scientia per accidens infusa Christo dengari. Quæ omnia fuisse videri possunt apud Auctores citatos, & alios Scholasticos in hac materia.

12. *Fuit denique in Christo scientia experimentalis successiva acquisita.*

Habuit denique, juxta D. Bonaventuram, Scotum & alios communiter, Christus scientiam quamdam experimentalem, quam successu temporis acquisivit etiam ex iis quæ circa se acciderunt & intuitus est, ut colligitur ex Apostolo ad Heb. 5. Didici ex iis, que passus est, obedientiam. Patet etiam: quia Christus videbat, audiebat, tangebat, &c. ac proinde ministerio sensuum hauriebat notitiam intellectualem & experimentalem rerum alioquin sibi cognitarum, v.g. dolorositatem tormentorum, faciem hominum, loquaciam, res significatas per verba auditam &c. Ratio est, quod scientia experimentalis, partim involvat cognitionem rei praesentis & existentis, qualiter omnium rerum Christus in proprio genere non habuit ab initio, sed prout successivæ res ipsæ contingunt: partim presupponat eamdem cognitionem, & tamquam transactam repræsentet; quod etiam ab initio non potuit in Christo habere locum. Ita Scotus d. 14. q. 3. Suarez disp. 27. sect. 2. in fine, & alii.

Q U A E S T I O N E I I .

De Gracia & Virtutibus Christi.

13. *Fuit in Christo gratia habitualis.*

Dico I. Christus fuit praeditus gratia habituali. Est certum apud omnes. Et colligitur ex Ioan. 1. Plenum gratia & veritatis habitualis. Quod cum omnes intelligent de quavis habituali perfectione Christum decente,

non potest inducere de illa magis intelligi, quam de perfectione gratiae habitualis. Et alibi frequenter dicitur in Christo fuisse gratia, Spiritus sanctus &c. Ratio est: quia Christo ad diligendum Deum est necessaria Charis habitualis; quæ juxta Scotum & plurimos alios à gratia est indistincta, aut certe juxta alios sic profuit à gratia, ut sine ea, saltem connaturaliter, esse nequeat. Deinde hæc perfectio conveniebat dignitati Christi.

Dico II. Gratia habitualis erat justificativa, seu sanctificativa Christi, eumque ^{Santissimum} dignificabat ad vitam æternam. Est etiam communis Doctorum. Et colligitur ex Patribus, Bernardo Homili. 4. Super missus est, ubi ait: Singulariter sanctum fuit quod Virgo genuit, & per spiritus sanctificationem, & per Verbi assumptionem. Alios vide apud Suarez disp. 18. sect. 2. assert. 1. Ratio est: quia nos sumus justi & sancti per gratiam habitualem; ergo & Christus: quia non debet negari gratia ipsius capitum, quod nostræ conceditur.

Dices: Anima Christi fuit sanctificata formaliter per Unionem hypostaticam; ut ^{An primi} colligitur ex Bernardo sup: & aliis Patribus; ^{fuerit formata in malitia per difficultatem unionis postquam} ergo non per gratiam habitualem. Responderi I. cum variis posset Neg. Cons. quia decebat, ut Christus omni modo sanctus esset & substantialiter per Unionem hypostaticam, & accidentaliter per gratiam intrinsecum inhaerentem. Hi tamen Auctores differunt inter se, uti unius sanctitas formaliter proverberit ab ipsa unione, an potius à personalitate Verbi, vel divinitate, aut utramque similiter.

Aliter Rep. cum pluribus Doctoribus Neg. Antec. quia Unio hypostatica tantum confert ratione sui termini moralem sanctitatem seu potius dignitatem humanitati Christi; adeò ut in concreto dici debeat Deus, ideoque connaturaliter exigat gratiam sanctificantem in perfectissimo gradu, cui vita æterna & cetera debentur de jure, qua Unioni hypostatica secundum se debentur de congruo & velut radicaliter. Similem autem moralem dignitatem & quasi consecrationem tribuit unio etiam partibus humanitatis, eis secundum se incapacibus formalis sanctificationis. Propter quod ejus corpus in hymno Ecclesia dicitur sanctissimum; & sanguis similiter sanctissimus seu sacraffissimus dici solet. Nec aliud exigit natura Unionis hypostatica, vel Auctoritas Patrum. Quāvis alioquin potuisset Deus ex sua libertate effectus gratiae sanctificantis etiam Unioni hypostatica annexari. Utrum autem de facto annexuerit, non ita constat: prout id constat de gratia habituali.

Potes, quanta fuerit gratia habitualis Christi? Rep. cum D. Bonaventura, Scoto & Gratia, aliis communiter, non fuisse infinitam; ut ^{bitulatio} pote quæ implicat. Secus forte dicendum foret

in iusto fuit
summa, non
tamen infi-
nitum.

foret, si (qua Quam carent) infinita
gratia sit possibilis. Fuit tamen major, quam
ulla creata; immo tanta, ut (supposito quod
detur status) non potuerit major dari. Eam
que accepit ipso instanti conceptionis simul
cum Unione hypostatica, cui naturarum ipsa
debebat; & quia tunc collata fuit fructus
beatifica, cui elicienda habitus gratiae &
charitatis erat necessarius. D. Thomas tamen
& alii existimant gratiam Christi fuisse infi-
nitam, non quidem in ratione qualitatis, sed
in ratione gratiae. Quod equidem dici non
potest, eò quod non reddiderit Christum
Deo gratum seu acceptum in ordine ad ef-
fectum, nisi finitum, scilicet gloriam fini-
tam. Nec à conjunctione cum Verbo aliam
traxit infinitatem, quam scientia & reli-
qua Christi accidentia. Quamquam opera
satisfactoria ex dignitate personæ, ac-
cedente saltem acceptance Dei, traxerint
valorem quodammodo infinitum.

17. Nec dicitis obstat, quod Luke 2 dicitur:
Quo sensu Scriptura dicit Christum profectum in gratia apud Deum & homines. Nam sensus est, quod crea-
verit sapientia & gratia operibus, seu effe-
ctibus & signis ut Patres explicant: emi-
catio enim sapientia & gratia profectus
eius fuit: quemadmodum sol dicitur pro-
ficere, quia majus lumen apud nos paula-
tim diffundit. Unde accedit etatis verè
paulatim detegebat gratiam & sapientiam
animi, quâ semper plenus erat. Quod
autem à principio per opera externa non
indicat summam suam perfectionem, hoc
non erat falsitatem prætendere, sed veri-
tatem occultare, idque expedienter ad no-
stram utilitatem, ut recte D. Petav. d. 13. a. 1.
q. 3. ad 3. Si enim virilem gratiam & sapien-
tiam exercuisset ante etatem, vixi fuisset
monstrum aut prodigium, & tamen dete-
ctus gratia & sapientia interior in nullo
nobis profuisset, nec Deum decuiisset. De-
fectus autem etatis in corpore faciebat ad
humiliationem, atque insuper, veræ
naturæ ostensionem, nisi absque etatum
vicissitudine plenus statu prodiisset,
phantasma apparuisset.

18. Dico III. In Christo fuerunt omnes gra-
tiae gratis datae, scilicet gratia ianuæ cum
operatio virtutum, ac reliqua omnes, quas
enumerat Apostolus 1. ad Cor. 12. ita com-
muniter Theologi. Et patet consideranti
vitam Christi, ac quæ de eo Scriptura
testatur. Idem exigebat plenitudo gratiae,
quæ super eum requievit; item dignitas
Unionis hypostatica; ac denique ratio Cap-
itis, à quo haec gratia in cetera membra,
sollicet Apostolos alioisque Doctores erant
derivanda; adeoque oportebat illas in ca-
pita praefuisse.

Solum videtur aliqua difficultas de gra-
tia fidei & prophetiae. Verum Apostolus ibi
nomine fidei non intelligit fidem Theolo-
gicam, quæ omnibus Christianis est com-

munis, sed eam quæ est mater miraculo-
rum, constantem scilicet fiduciam in Deum
ad quidvis impetrandum, & ad miracula
operandum, atque assensum præsum. De
qua cap. seq. ait: Si habuero omnem fidem, ita us
montes transferam. Ita explicat Chrysostomus, vel
intelligit donum intrepide profundi &
explicandi fidem; ut exponunt Alii, vel
potius intelligit singularem intelligentiam
mysteriorum fidei ad ea contemplandum
& aliis declarandum. Omnibus autem his
modis fuit in Christo fides.

Ad Prophetiam quod attinet, non im-
portat illa obscuritatem ex parte cognitionis Prophetae:
in Propheta, sed ex parte objecti secundum
communem statum & conditionem cog-
noscentis, ut scilicet res sit obscura & re-
mota à cognitione propriâ statui in quo
Propheta vestitur. Quare juxta August. lib.
16. contra Faustum cap. 18. nihil aliud est Pro-
pheta, quam homo ultra humanas conjecturas
futura promovans. Unde de Christo Ioan. 4.
dixit, nec male (teste August. Tr. 15. in Ioannem)
Samaritana: Video, quia Propheta es tu. Et Luke
7. visâ resuscitatione mortui omnes timue-
runt & magnificarunt Deum dicentes: Quia
Propheta magnus surrexit in nobis. Et Christus
de se ipso Marci 6. dixit: Non est Propheta sine
honore, nisi in patria sua. Et Deuteronom. 18. Moys-
es de Christo (prout intelligit Petrus Act. 3.
& Stephanus Act. 7.) dixit: Propheta de gente
tua, & de fratribus tuis; sicut me, suscitabit tibi
Dominus Deus tuus.

Quantum ad gratiam virtutum notan-
dum humanitatem Christi fuisse operatam
virtutes sive miracula, non per physicam
potentiam sibi competentem, sed per di-
vinam voluntatem ac omnipotentiam sibi
permanenter, & ad inquit, ac ad quolvis
effectus assistenter; secùs quam contige-
rit in aliis Sanctis: sic equidem, ut huma-
nitas tantum causaverit illa moraliter, uti
Sacramenta gratiam. Ita Scotus, Vasquez & alii.

Et insinuat Leo Papa Epist. 10. cap. 4. Agit
veraque forma cum alterius communione, quod
proprium est, Verbo scilicet operante quod Verbi est,
& carne exequente quod carnis est: unum horum
coruscat miraculi; aliud succumbit iniuriis. Quæ
verba etiam habet Agatho Papa in Epistola
quæ refertur in VI. Synodo Act. 4. Et ibid.
Act. 10. in Epistola Sopronii dicitur: Secundum
quod Deus parabat miracula, secundum quod ho-
mo faciebat humilia & humana. Similia ha-
bent alii Patres. Ratio est: quia potentia
obedientialis physica ad quolibet pas-
sim rejecitur velut confusa & impossibi-
lis. Deinde Miraculum subinde consiste-
bat in subtractione divini concursus or-
dinarii, quæ non potest physicè causari ab
agente creato. Denique sic absque difficul-
tate res hæc clarè explicatur: cum è contrâ
gravissimam difficultatem patientur, qui
physicam efficientiam miraculorum huma-
nitati Christi adscribunt.

Petes.

21.
In Christo
quà homine
est gratia
capitū super
omnem Ec-
clesiam, e-
tiam quà
Angelis &
Beatu con-
flantem.

Petes, an & quid sit in Christo gratia capitū? Resp. Christum esse *Caput super omnes Ecclesiam*, quæ est *corpus ipsius juxta Apostolum ad Ephes. 1.* Idem docet cap. 5. Ecclesia autem constat, tum viatoribus qui sunt in Ecclesia militante (quibus annumerari possunt animæ in purgatorio) tum hominibus beatis, qui sunt in triumphante, quæ est Ecclesia primitivorum conscriptorum in cælis; immo etiam beatis Angelis, ex quibus juxta Patres conflatur quoque universalis Ecclesia. Unde Apostolus ad Coloss. 2. de Christo quà homine (ut patet ex contextu) ait: *Etsi in illo repleti, qui est caput omnis principatus & potestatis.* Ratio est: quia sicut caput est pars corporis prima & dignissima, in qua exercentur operationes vi tales, animales & rationales, & quæ cetera membra gubernat ac in illa influit; sic Christus quà homo est dignissima persona omnium, ex quibus mysticum universalis Ecclesia corpus coalecit, ipseque influit in omnes viatores dona gratiæ, in beatos insuper gloriæ; uti juxta multos (de quo infra) etiam in Angelos; in quos saltem influit illuminationem (sicut Angeli superiores illuminant inferiores) & non modicum gaudium accidentale. Non est tamen Christus propriè caput damnatorum, eti caput eorum fuerit dum essent viatores; quia de facto non influit in illos aliquid donum salutare. Est equidem caput etiam infidelium & malorum Christianorum, eti non quatenus mali sunt & infideles (quorum eatus caput est diabolus) quia similiter in illos influit multa bona: quamquam soli iusti sint membra hujus capitū viva, vegetata ab illius Spiritu vegetante.

22.
Ratio capitū
in quo con-
ficitur.

Sed variant Doctores in quo consistat vel fundetur hæc ratio Capitis. Omissis aliorum dicendi modis, Dico radicisiter fundari in Unione hypostatica, quæ Christum constituebat personam dignissimam, & quam consequbatur velut proprietas gratia habitualis summa; quæ etiam ad meritum & satisfactionem requirebatur: quibus accedebat divina acceptatio, sine qua opera Christi, quantumvis excellentia, in ceteros meritorie non influerent. Adeò quæ hæc tria concurrunt ad completam gratiam capitū, sive ad Christum statuendum in ratione supremæ persona proximè potentis influere in cetera membra. Est enim hæc sermo de capite meritorie influente in membra. Alioquin simpliciter Unio hypostatica constituebat Christum personam dignissimam seu Deum hominem, adeòque hæc ratione caput; sed (ut dixi) insufficienter ad sensum presentis loci.

23.
An Christus
recte dicatur
membrum
Ecclesia.

Petes, an Christus recte dicatur membrum Ecclesia? Resp. quodam sensu Aff. est enim pars excellentissima Ecclesia seu corporis mystici, utique constantis etiam capite, seu illud includentis: sicut corpus

physicum constat capite tamquam parte seu membro. Quodam autem sensu fatis obvio Neg. prout scilicet membrum sonat partem ab aliis influere dependenter: Christus enim non dependet à reliquis membris Ecclesia.

Dico IV. Christus ab initio conceptionis habuit in gradu perfectissimo omnes virtutes & dona, quæ ex ratione sua particulari non involvunt imperfectionem Christo inconvenientem. Ita omnes Doctores: quia Christus dignificari debet, quantum commodè potest, & Unio hypostatica connaturaliter, morali saltem connaturalitate, exigebat, ut omnes perfectiones possibles ac degentes conferrentur Christo. Et (ut Scotus d. 13. quest. 4. num. 9. ait) in commendando Christum malo excedere, quædam deficere à laude sibi debita, si propter ignorantiam oporteat in alterutrum incidere. De septem quoque donis Spiritus sancti expressa est Prophetia Isaie 11. quod & super Christum requiecerent. Idem autem est de ceteris donis & gratiis, etiam actualibus, quatenus Christo congruerent.

Dixi, quæ ex ratione sua particulari non involvunt imperfectionem Christo inconvenientem; prout involvit fides, quæ tendit in Deum obscurè, ideoque à beatis exulabit in patria, & consequenter exulavit à Christo in via jam beato. Idem est de spe, si & ipsa sit evacuanda in patria, ut plerique doceant. De quo in Tract. de Virtut. Theolog. Quamquam non incredibile dari habitum generalis amoris concupiscentiae Dei, qui sortiatur non sensu spei, quatenus tendit in bonum possidendum, eti idem habitus vitaliter teneat bonum jam possidendum; qui consequenter fuisse in Christo, & per illum potuisse sperare beatitudinem corporis, & fortè quadam alia nondum obtenta. Idem quoque est de pœnitentia, quatenus connotat propriam culpam aut dolorem de illâ item de continentia quatenus connotat motus propriæ concupiscentiae. Abstrahendo tamen à connotato, erit in Christo est amor honestatis istarum virtutum, adeòque ipsæ virtutes.

Ubi notandum, virtutem pœnitentiae denominari à connotato quodam actus secundarii, scilicet à dolore, vel à penalitate, quam quis subit, ut jus Dei peccato læsum vindicando in se peccatum restauret. Ipsa autem virtus pœnitentiae secundum se primariò inclinat ad jus Dei servandum illâ, secundariò ad detestandum peccata seu quidquid jus illud ludit, & consequenter ad idem, si læsum fuerit, reparandum, culpam ordinando per pœnam laetorianam. In Christo itaque est virtus ista quoad actum primarium, adeòque quoad habitum. Est etiam quoad actum secundarium: detestatur enim quidquid ludit jus Dei,

24.
Christus
initio hab-
bitus
omnes ve-
tates &
na, excep-
tus in
gradu per-
fectissimi.

25.
In ejus
non fuit
Christus
forte ma-
gica,

pœnitentia
quo sensu
ipso fuit
vel non fu-

26.
Quod am-
plius deca-
ritus.

Qu. III. De Voluntate, Libertate & Impeccabilitate Christi. 35

Dei, scilicet peccata nostra. Non tamen est in eo ~~ad~~ secundarius, quatenus respicit seu connotat peccata propria. Non etiam, quatenus connotat dolorem detestationi adjunctum; quāvis hic non defuerit in Christo viatore. Non denique, quatenus respicit vindictam seu pœnaltatem à pœnitente subeundam; quāvis in Christo viatore fuerit etiam voluntas in se preferendi seu vindicandi peccata nostra, poenas acerbissimas subeundo. De facto tamen vult, ut nos detestemur peccata nostra cum dolore ac pœnitate; quæ voluntas etiam reduci potest ad honestatem pœnitentiae.

Q U E S T I O III.

De Operatione humanae Voluntatis Christi ejusque cum divina Concordia: Item de Libertate ac Impeccabilitate illius.

Dico I. In Christo non solum est voluntas divina, sed etiam humana, hæc quæ habuit humanas operationes. Est de fide contra Monothelitas. Et patet ex VI. Synodo act. 4. & 8. Lateranensi sub Martino I. can. 10. & aliis Conciliis. Patet etiam ex Scriptura, in qua Christus voluntatem seu volitionem suam distinguit à voluntate seu volitione Patris, Matth. 26. Non sicut ego volo sicut tu, 1. Ioan. 5. Non quero voluntatem meam, sed voluntatem ejus, q[uod] misit me. Et alibi: ergo præter divinam voluntatem Patris Christo communem, sicut in illo alia voluntas, aliaque volitio, utique humana. Ratio est: quia voluntas sequitur naturam; quæ cùm fuerit duplex in Christo, etiam juxta Monothelitas, patet in eodem fuisse duplificem voluntatem. Quam etiam absurdum esset admittere, & actum seu volitionem alterutri negare: cùm divina quidem volitio naturæ & voluntati divinae identincetur; voluntas autem humana conaturaliter actum exigit, nec sit ratio ob quam ei negaretur, immo sit necessarius ad meritum & satisfactionem. Ex quibus etiam evincitur Hæresis Monothelitarum, si duplice voluntate admittantur, negaverint duplificem in Christo volitionem, ut existimat Vasquez, non valens credere, quomodo rem tam evidenter, scilicet duplificem voluntatem admittantur, Monothelite negare posse sentent. Verum pariter est evidens ineptia, admissis potentias negare actus. Id equidem ex Synodo VI. satis constat, cum Monothelitis non fuisse quæstionem de sola potentia volitiva humana, sed potissimum de ejus operationibus eliciti. Dico elici: nam actus aliarum potentiarum, qui in nobis solent à nostra voluntate impe-

rari, v.g. ambulationem, locutionem &c. non negarunt, sed voluerunt illos procedere in Christo ex imperio voluntatis divinae: Unde consequenter obedientiam, meritum, satisfactionem Christi, quæ utrumque exigunt actus elicitos creatæ voluntatis, destruxisse respå convincuntur.

Neque oportuit Monothelitas timere utriusque voluntatis in operando discordiam: si enim in hominibus beatis Deus tam immobilem eorum cum divina voluntate consensem firmavit, quanto magis in Christo perfectissimam utriusque voluntatis conformitatem procurare potuit, adeoque procurans confendus est, sic ut nil omnino voluntas humana decerneret, quod à divina foret exorbitans? De quo tamen Concl. 3.

Non etiam favet Monothelitis unitas subsistentiæ seu personalitatis in Christo; nam quæcumque voluntates sequuntur naturam, non personalitatem, ut rectè Damasc. l. 3. de fide c. 14. Unde è contraria in tribus personis est unica voluntas propter unitatem naturæ, non obstante multiplicitate personalitatum; ut rectè arguit Damascenus sup.

Quod dictum est de voluntate, dicendum etiam est de intellectu & reliquis potentiis humanitatis Christi, ideoque in VI. Synodo Act. 4. refertur, & Act. 8. recipitur Epistola Agathonis Pape, in qua generaliter definitur, unamquamque naturam in Christo, divinam scilicet & humanam, proprietatem naturalem habere, & divinam habere omnia quæ divina sunt, & humanam omnia quæ humana sunt, absque ullo peccato.

Dico II. In voluntate humana Christi fuit varietas actuum innoxiorum, etiam inefficacium, & passionum consequentium, scilicet gaudi, tristitia &c. Patet ex VI. Synodo cit. Et specialiter de actibus inefficacibus, Matth. 26. Pater si posibile est &c. Verum tamen non sicut ego dolo, sed sicut tu. De tristitia Christi. Did. Tristis est anima mea usque ad mortem. De timore filiali Iaie. 11. Replebit eum Spiritus timoris Domini. De timore mortis Marci 14. Capit pavere, & redere. Ratio est: quia eiusmodi actus, & passiones innoxiae aperte ostendebant veritatem suscepit carnis, & antequam ad finem redemptoris accommodatae.

Dico III. Inter humanam & divinam voluntatem Christi nulla fuit contrarietas. Inter hanc manam & divinam voluntatem Christi usq[ue] ad 31. Patet ex VI. Synodo Generali Act. 4. & 17. Item ex Scriptura, in qua Christus testatur suum cibum esse, ut faciat voluntatem Patris. Ideoque Joan. 8. ait: Ea que placita sunt nullia fuit ei facio semper. Idemque exigit sanctitas & contrarie- perfectio Christi.

Nec obstat, quod Christus noluerit mortem seu passionem, quam Pater volebat: Nequidem dñm huma- na voluntas contrairebat, appetens eamdem simul tamquam à Patre injunctam, & redemptioni nostræ

28. *Et cum opere
ma uirius &
concordia,*